

Isumaginninnermut Naalackersuisoqarfiup meeqqat inuusuttullu pillugit suliaqarfimmi maannakkut suliai

- Meeraanermi toqqissisimaneq 2010 - takuuk www.nanoq.gl
- AI 2011
- Meeqqanut inuusuttunullu periusissiaq - 2011-mi Inatsisartunut saqqummiunneqassaaq
- Nunami tamarmi ulloq unnuarlu paaqqinnittarfiit misissorneqarnerat - 2010-p naalernerani – tamatuma kingorna qanoq ingerlariaqqit-toqassanersoq pillugu nalilersuisoqassaaq
- Isumaginninnermut Naalackersuisup borgmesteriusullu sisamat akornanni ”Ataatsimut Kivitseqatigiinneq” pillugu suleqatigiinnissamik isumaqatigiissut - februar 2010
- UNICEF-mik suleqatigiinnissamik isumaqatigiissut - august 2010

Meeraanermi toqqissisimaneq 2010 – 2010-mi meeqqanut tunngatillugu immikkut ittumik suliniuteqarnissamut periusissiaq:

Qitiutillugit sammisassat:

1. Isummiussanik allannguiniarluni suliniarneq
2. Meeqqanut ilaqutariinnullu sammisumik suliniuteqarneq
3. Kinguaassiuutitigut atonerluisarneq akiorniarlugu suliniarneq
4. Meeqqat inuusuttullu pisinnaatitaaffiisa nukittorsarneqarnerat
5. Ataqatigiissaarineq ilisimasanillu katersuineq
6. Nakuusertarneq akiorniarlugu suliniarneq

1 pillugu. Isummiussanik allannguiniarluni suliniarneq:

- NGO- suliniaqatigiiffiit naalakkersuisutigoortuunngitsut nukittorsarneqarnerat
 - ”Ataatsimut Kivitseqatigiinneq” pillugu suleqatigiinnermi Suliniaqatigiiffiit naalakkersuisutigoortuunngitsut aamma Isumaginninnermut Naalakkersuisoqarfiup akornanni qaninnerusumik suleqatigiittarnissaq ileqqussanngortinneqarpoq. Suleqatigiinnissap imassaanut ilassutissat Suliniaqatigiiffiit naalakkersuisutigoortuunngitsut piariigajalerpaat. Suliniaqatigiiffiit naalakkersuisutigoortuunngitsut isumasioqatigiitsinneqarnissaat naatsorsuutigineqarpoq, tassani suleqatigiinneq eqqartorneqassaaq. Tassunga tunngatillugu oqallissaarutitut saqqummiussaq decembarimi borgmesterit tullissaanik ataatsimiinneranni saqqummiunneqassaaq. Aammattaaq UNICEF-p 2010-mi aggustusimi tikeraarneranut atatillugu Suliniaqatigiiffiit naalakkersuisutigoortuunngitsut ataatsimeeqatigineqarput.
- Isummiussanik allannguiniarluni suliniarneq
 - UNICEF-imik suleqateqalernissamut utaqqisinneqarpoq, suleqatigiittoqalerpat siullerpaallugu aallartinneqassaaq. 2011-p aallartinnerani suliniutit aallartinneqassasut naatsorsuutigineqarpoq. Suliniaqatigiiffiup Meeqqat Inuunerissut kinguaassiuutitigut atonerluisarneq pillugu suliniuteqarnerata nassuiaasiorneqarnissaanut aningaasaliissuteqartoqarpoq.
- Ieqquusunik allanngortitsisartut/maligassiuisut
 - UNICEF-p suliniutaanut ilanngunneqassapput, piaakannersumillu aallartinneqassalluni. Ilisimasallit illoqarfinnut arlalinnut angalallutik oqallitsitsisussat inuttaralugit SPS-p isiginnaartitsissutissaanut tapiissuteqartoqareerpoq.
- CSR (cooperate social responsibility = suliffeqarfiit isumaginninnikkut akisussaaffeqarnerat)
 - pisartut malittaralugit ataatsimiittarnerit, - aamma 2010-mi augustimi UNICEF-p tikeraarneranut atatillugu.

2 pillugu. Meeqqanut ilaqutariinnullu sammisumik suliniuteqarneq:

- Ornittakkat amerlineqarnissaat
 - Ornittakkanut tapiissuteqarsinnaanermut periarfissat pillugit kommuninik ingerlaavartumik oqaloqateqartarneq. 2010-mi 2,4 mio. kr.-it tapiissutigineqarput. Qinnuteqartut tamarmik tapiiffigineqarput.
- Siunnersorteqartarnermik suliniutip annertusarneqarnera
 - Foreningen Grønlandske Børn-ip suliniutaata, ”Sapiik 2 inuusuttumit inuusuttumut – suliniut”, aallartinneqareersup ingerlateqqinneqarnissaanut 2011-mi 200.000 kr.-nik tapiissuteqartoqarpoq, tassa nunami tamarmi siunnersorteqartarnermik neqeroortoqartarnissaa anguniarlugu.

- Ilaqutariittut ikinngutit:
 - Suliniutip aallartisarneqarnissaa pillugu Suliniaqatigiiffiit naalackersuisutigoortuunngitsut oqaloqatigineqarput.
- Atuarfimmi meeqqat immikkorluinnaq pisariaqartitsisut inersimasumut saaffiginnissinnaanerannik aaqqissuussineq (danskisut Skolefeordning)
 - Suliniutip aaqqissuunneqarnera pillugu allaaserineqarneranik saqqummiussaqqarpoq, akuerineqarnissaalu utaqqineqarpoq.
- Suliniuteqareernermi malinnaaneq qitiutillugu (18-init 21-nut ukiullit)
 - Suliniuteqareernermi malinnaaneq taassumalu ikiorsiiniutitigut periarfissai pillugit 2010-mi novembarip 23 – 24-ani isumasioqatigiinneq.
- Meeqqat inuusuttullu ikiortariaqartut 2010-mi aasakkut atuannigiffeqarnerminni sammisassaannut tapiissutit
 - Meeqqat inuusuttullu ikortariaqartut sammisassaannut 24-usunut katillugit 905.835 kr.-t aningaasaliissutigineqarput. Illoqarfinnut nunaqarfinnullu, kiisalu suliniutit assigiinngitsunut, tassunga ilanngullugit tammaarsimaarluni/piniariarluni angalanernut, ornittakkat il.il. sivisunerusumik ammasarnissaannut aningaasaliissuteqartoqarpoq.
- Ilaqutariinnut sullissiviit nalilersorneqassapput, suliarlu annertusarneqarluni
 - April 2011-mi suliap naammassineqarnissaa siunertaralugu, suliaq avataanit siunnersortimit 2010-p naalernerani aallartinneqassaaq. 2010-mi 4,9 mio. kr.-t tapiissutigineqarput. Ilaqutariinnut sullissiviit sivisunerpaamik ukiuni pingasuni tapiiffigineqartarnissaannut tunngavisoq aningaasanut inatsimmi peerneqarpoq. Qinnuteqartut tamarmik tapiiffigineqarput.
- Ilaqutariinnut immikkut ittumik pisariaqartitsisunut ilaqutariinnik sullississutissat pilersinneqarnerat
 - Meeqqanut inuusuttunullu periusissiaq, suliniutimi ilaattut ilaqutariinnut sammisumik suliniuteqartoq suliap aallartinnissaanut utaqqineqarpoq.
- Ilaqutariinnut høgskolit
 - Ilaqutariinnut høgskolit tassaapput, peqataasut najukkami pisariaqartitaannik isumalluutaannillu tunaartaqartumik pikkorissaasarnierit: Siusinnerusumut naleqqiullugu ilaqutariinnut høgskolertitsinissanut amerlanerungaatsiartunut 2010-mi tapiissuteqartoqarpoq, tassunga ilanngullugu nunaqarfinni ilaqutariit høgskolertinneqarnissaannut tapiissuteqartoqarpoq. 2010-mi ilaqutariinnik høgskolertitsinernut 4,8 mio. kr.-t tapiissutigineqarput. Siusinnerusumut naleqqiullugu qinnuteqartut amerlanerungaatsiarput.
- Meeqqamut piareersarluni pikkorissarnierit
 - Peqqinnissaqarfik Paarisalu suleqatigalugit pikkorissartitsinerit suli ingerlanneqarput.
- Ilaqutariit paarsisartut pillugit immikkut suliniuteqarneq
 - Paasissutissiatut atuagaaqqat marluk ukioq manna saqqummersinneqarnissaat naatsorsuutigineqarpoq. Atuakkami titartakkanut atortussat kingusinaarnerat pissutigalugu pilersaarutaasutut atuakkap saqqummersinneqarnissaa kingusinaarpoq.
 - Ilaqutariinnik paarsisartunik sullissisartut pikkorissartinneqartarnerat kiisalu angajoqqaarsianut nalinginnaasunut najukkami pikkorissartitsisarneq suli ingerlanneqarput.

3 pillugu. Kinguaassiuutitigut atonerluisarneq akiorniarlugu suliniarneq:

- Nuummi meeqqanut sullissiviup pilersinneqarnissaa
 - piareersarneqarpoq. Suliniummik aqutsisussaq atorfinitsinneqarpoq. Suleqatigiissitat pilersinneqarput. Islandimi, Danmarkimi, Norgemi, Sverigemi aamma USA-mi meeqqat kinguaassiuutitigut atonerlunneqarsimasut pillugit sullissivinnit maanna misilittagaasut pissarsiariniarneqarput, tassa Kalaallit Nunaanni meeqqanut sullissivissami misilittakkat

taakku iluaqutigisinnaajumallugit. Meeqqanut sullissivik 2011-p aallartinnerani ammarneqassasoq naatsorsuutigineqarpoq.

- Meeqqanut sullissiviit amerlanerit najukkamilu meeqqanut sullissiviit pilersinneqarnissaat
 - utaqqimaarneqarpoq
- Inersimasut meeraanermi kinguaassiuutitigut atornerlunneqarsimasut kingusissukku kingunerlutsitsisut katsorsarneqartarnerat
 - Inersimasunut kinguaassiuutitigut atornerlunneqarsimasunut tunngatillugu Tasiortamik suleqateqarnissaq isumaqatigiissutigineqarpoq.
- Kinguaassiuutitigut atornerlunneqarsimanerup takussutissartai, kiisalu kinguaassiuutitigut atornerlunneqarsimanermik pasitsaasaqarnermi iliuuserisinnaasat pillugit inuit tamakkuninnga suliaqartut ilinniartinneqarnissaat
 - meeqqanut sullissivimmi suliniutissanut ilanngunneqassapput.

4 pillugu. Meeqqat inuusuttullu pisinnaatitaaffiisa nukittorsarneqarnerat:

- Meeqqanut inuusuttunullu siunnersuisarfik (inatsisissatut siunnersuut takuuk www.nanoq.gl)
 - Inatsiartut 2010-mi upernaakkut ataatsimiinneranni nassuiaasoqarpoq.
 - Inatsisissatut siunnersuutip 2011-mi upernaakkut ataatsimiinnermi saqqummiunneqarnissaa pilersaarutaavoq.
- Meeqqanik paasisimasalittut sullissisussat pilersinneqarnissaat
 - piareersarneqarpoq. MIPI suleqatigalugu.
- Meeqqat pisinnaatitaaffii pillugit atuagaq
 - MIPI-mit aamma ICC-mit maanna suliarineqarpoq.
- Meeqqanut inuusuttunullu tunngatillugu inatsit nutarterneqassaaq
 - piffissami 2010 – 2012 – piareersaanerit aallartereerput – 2012-mi upernaakkut ataatsimiinnermi saqqummiunneqarnissaa pilersaarutaavoq.

5 pillugu. Ataqtigiissaarineq ilisimasanillu katersuineq:

- Inunnik isumaginninnermi suliaqartut nalilersuinnermi atuagaq malittarisassaatt pillugu suliaqarneq piffissaliussatut pilersaarut malillugu suliarineqarpoq.
- Nalilersuisarneq pillugu pikkorissaanerit: - 2011-mi ingerlanneqassapput.
- Sulisunik ilaqtariinnut sullissivinni qimarnguinnilu sulisunut Piginnaangorsaanermi aningaasat agguagassat:
 - Ilaqtariinnut sullissiviit pillugit nunat avannarliit isumasioqatigiinnissaanut peqataanissamut aningaasaliissuteqartoqarpoq.
- Kisitsisitigut paasissutissat:
 - Suliaralugit aallartinneqarput, tassa meeqqat inuusuttullu angerlarsimaffiup avataanut inissinneqarsimasut pillugit kisitsisitigut paasissutissat nutarterneqarnissaat kiisalu aqqissuussaasumik suleriaaseqarnissaq eqqarsaatigalugit, tassa suliaqarfik pillugu kisitsisitigut paasissutissanik pissarsiuuannarnissaq anguniarlugu. Immersugassat kommuninut tamanut immersugassanngorlugit nassiunneqarput.
 - Aammattaq ”Inuusuttut atugarissaarnerat” pillugu misissuinerup nangeqqinneqarnissaanut 850.000 kr.-nik tapiissuteqartoqarpoq. Meeqqanik inuusuttunillu sullissinerup siunnerfilersornissaanut misissuineq ullutsinnut naleqquttunik kisitsisitigut paasissutissiissaaq.
- Pikkorissartitsinissanik suliniut AI 2011-mi takuneqarsinnaavoq.

6 pillugu. Nakuusertarnej akiorniarlugu suliniarnej:

- Qimarnguiit nukittorsarnejarnissaat pisariaqartinnejarnej:
 - Qimarguinni ilaqutariinnullu sullissivinni sulisunik modulikkaartumik ilinniartitseqqittarnejup maangamut iluatsilluarnejrata nassataanik, ilinniartoqatigiit marlungorlugit ilinniartitsinissamik neqerooruteqartoqarnej. Ilinniartoqatigiit marluullutik ilinniarnertik 2011-p ingerlanerani naammassissavaat.
- Meeqqat qimarnguinniittut pillugit suliniutit annertusineqarnissaat pisariaqartinnejarnej:
 - Suliniummut tassunga tunngatillugu malitseqartitsinissaq utaqqimaarnejarnej.
- Angutaammit/arnaammit persuttarnejartarnej akiorniarlugu suliniarnej:
 - Suliniummik tassanga suliaqarnejmi, Suliniaqatigiiffiit naalakkersuisutigoortuunngitsut imaluunniit aningaasaateqarfimmik suleqatigineqalernissaat utaqqimaarnejarnej.

Meeqqanut inuusuttunullu periusissiaq

Naalackersuisut 2010-mi juunip 24-ani aalajangerput, meeqqanik inuusuttunillu sullissinermi anguniakkanik suliniutinillu nassuiaasusaaq, meeqqanut inuusuttunullu periusissiaq tamanut sammivilik suliallu akimorlugit suliaqarfissaasoq suliarineqassasoq, tassanilu atuarfimmi, peqqinnissaqarfimmi inunnillu isumaginnittoqarfimmi meeqqanik inuusuttunillu sullissinermi anguniakkat suliniutillu ilaatinneqassapput.

FN-p Meeqqanut tunngatillugu aalajangersagaa naapertorlugu pisinnaatitaaffiit sorliit nukittorsarneqarnissaat pisariaqartinneqarnersut pillugit naliliineq aallaavigalugu, suliniuteqarfiit assigiinngitsut arfineq pingasuusut iluanni Meeqqanut inuusuttunullu periusissiaq ingerlanneqassaaq.

Aqutsisoqatigiit pilersinneqarput, maannamut ataatsimiinnerit 5–6-it ingerlatereerpaat.

Aammattaaq suleqatigiissitat arfineq pingasut pilersinneqarput, taakku tamarmik immikkut suliniuteqarfiit tamarmiusut iluanni anguniakkanut suliniutinullu tunngatillugu siunnersuusiorput.

Maanna aqutsisoqatigiit suleqatigiissitat peqatigalugit anguniakkanik siunnerfilimmillu suliniutinik pingaarnersiuisapput, meeqqanullu inuusuttunullu periusissiamut siunnersuut akuersissutigalugu, tamatuma kingorna meeqqanut inuusuttunullu periusissiaq, Naalackersuisunut saqqummiunneqannginnermini aamma Inatsisartunut nassiunneqannginnermini tusarniaatitut nassiunneqassaaq.

Isumaginninnermut Naalackersuisoqarfimmi suleqatissaaq immikkut periusissiamik suliaqartussaaq atorfinitsinneqarpoq.

”Ataatsimut Kivitseqatigiinneq” pillugu suleqatigiinnissamik isumaqatigiissut

- ”Ataatsimut Kivitseqatigiinneq” pillugu 2010-mi februaarimi isumasioqatigiinnermut atatillugu aallartinneqarpoq,
- kommunit Namminersorlutillu Oqartussat akornanni kiisalu Suliniaqatigiiffiit naalackersuisutigoortuunngitsut aamma pisortatigut oqartussa qarfiit akornanni meeqqanik ilaqtariinnillu sulissineq pillugu oqaloqatigiittarnissaq ataqatigiissaarisarnissarlu pingaarnertut siunertarineqarpoq,
- suliniummik aqutsisussaq Isumaginninnermut Naalackersuisoqarfimmi atorfinitsinneqarpoq.

UNICEF-mik suleqatigiinnissamik isumaqatigiissut

suleqatigiissutissanik sisamanik ukunanga imaqarpoq:

1. Isummiussanik allanngortitsiniarnermi aamma inooqatigiinnermi akisussaassuseqarnermut anguniakkat
2. Suliniut sapinngisamik annerpaamik sunniuteqartinniarlugu, meeqqanut tunngasutigut suliniutit amerlaqisut ingerlanneqartartut sunniutaasa Kalaallit Nunaanni nakkutigineqarsinnaanerisa nalilersorsinnaanerisalu nukittorsaaviginissaat
3. Pisariaqassappat nukittorsaanissamut kaammattuuteqarnissaq siunertaralugu meeqqanut tunngasutigut Kalaallit Nunaanni inatsisit misissorneqarnerat aamma nunatsinni meeqqat pillugit sulinermi malittarisatut atugassianik siunnersuuteqarneq
4. Suleqatigiiffiusut ilaattut Kalaallit Nunaanni inuinnartut inuiaqatigiinnerup nukittorsaavigineranut tapertaaniarpoq, annerusumik Kalaallit Nunaanni NGO-nut meeqqanut tunngasunik suliaqartunut sammititaasumik.

Suleqatigiinnissamik isumaqatigiissut ukiuni tallimani atuutissaaq, kiisalu 2010-p naalernerani – 2011-p aallartinnerani suliaqarfissaq qulaani taaneqartut pillugit pilersaarusiornissamut tulleriarinissamullu pilersaarutit piareerseqassapput.